

Claude WISELER
President vun der
Chamber vun den Deputéierten
19, um Krautmaat
L-1728 Lëtzebuerg

Lëtzebuerg, den 05/05/2026

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesch fir Sozialversécherung weiderzeleeden.

An hirer Äntwert op d'Fro n°3054 huet d'Ministesch selwer zouginn, dass dem IGSS keng Donnéeën doriwwer virleien, firwat potenziell Aidants informels d'Roll net iwwerhuelen. Gläichzäiteg ass onbekannt, a wéi ville Fäll Familljememberen duerch déi nei Evaluatiounsreegele vun 2018 als Aidant ofgewise goufen. D'Regierung huet d'Leeschunge real reduzéiert, d'Evaluatiounscritère verschäerft, an d'Zuel vun den Aidants ass ëm 51% erofgaangen – ouni ze wëssen, wat d'Ursaache sinn.

An deem Zesummenhang wéilt ech der Ministesch dës Froe stellen:

1. Wéi kann d'Ministesch behaupten, dass d'Evaluatiounsreegele vun 2018 d'Qualitéit vun der Prise en charge verbessert hunn, wann dem IGSS selwer keng Donnéeën doriwwer virleien, firwat d'Zuel vun den Aidants informels zanter 2018 ëm 51% erofgaangen ass?
2. Wann d'Ministesch net weess, a wéi vill Fäll potenziell Aidanten duerch d'Evaluatiounsreegelen vun 2018 ofgewise goufen, wéi kann si da behaupten, dass déi nei Reegelen d'Qualitéit verbessert hunn ouni d'Zuel vun den Aidants strukturell ze reduzéieren?
3. Wéini gedenkt d'Ministesch, déi néideg Studie beim IGSS a bei relevanten Acteuren am Optrag ze ginn, fir dës Daten-Lücken ze schléissen?
4. Sinn d'Conclusiounen aus de Berodunge mat de concernéierten Acteuren am Abrëll 2023 dem Parlament zougängelech? Wa jo, wou? Wa nee, firwat net?

Mat déiwem Respekt,



piraten.lu



CLEMENT Sven
Deputéierten

